

## CAPUT XVII.

## C L I M A X

X est Anadiplosis compluribus gradibus continua-  
ta, dicitur latine Gradatio, Aquilæ adscensus, ut  
Rom. 8. v. 29. *Quos Deus præscivit, eos & præ-  
destinavit: Quos prædestinavit, eos vocavit: Quos  
vocavit, eos etiam justificavit: Quos autem justifi-  
cavit, eos & glorificavit.*

(Climax genere eodem cum Anadiploso, sed tamen mul-  
titudine anadiploseon & graduum differt ab Anadiploso sim-  
plici. Unde multitudo Anadiploseon in Climace nullam  
formam novam, sed exempla Anadiploseos nova atque plu-  
ra affert. Atque sic non est peculiaris figuræ dictio[n]is spe-  
cies, sed adjuncta quæpiam affectio ἀναδιπλώσεων. Plane  
quemadmodum Allegoria non est peculiaris species Tropi,  
sed continuatus Tropus est. Sie in exemplo proposito ha-  
bes Anadiploses tres *in prædestinavit, vocavit, justificavit.*  
*NOTA* hic duo: I. Etsi levis nonnunquam in Climace ver-  
borum & sonorum similium sit alicubi, apud Poëtas inpri-  
mis, transpositio, si tamen ad Syntaxin & ejus Regulas  
exempla revocaveris, expresse gradationes deprehendes.  
Ut in illo *E>clog. 2.*

*Torva leæna lupum sequitur, lupus ipse capellam,*

*Florentem cythisum sequitur lasciva capella.*

Hic *capella* sub initium versus esse debuit, unde hæc trans-  
positio disjunctionem aliquam sonorum parit. (Sensus ta-  
men hic est: Torva leæna sequitur lupum; Lupus capel-  
lam; Capella lasciva florentem cythisum trifolium pratense.)  
II. Sorites & Climax Rhetor. differunt 1. in eo, quod Cli-  
max non repetit in conclusione principium, neque subje-  
ctum primæ propositionis cum prædicato ultimæ conjun-  
git: Sorites vero repetit & conjungit. 2. in eo, quod Cli-  
max Rhet. respicit tantum ornatum Orationis: Sorites ve-  
ro illationem quæstionis dubiæ. Sic, quod bonum est, id  
est optabile. Quod optabile, id est, expetendum. Quod ex-  
petendum, id est laudabile. Quod laudabile, i. e. honestum.

Haec

Hactenus est Climax five gradatio Rhetorica. Coniuge postremæ hujus propositionis prædicatum τὸ honestum cum subjecto primæ τὸ bonum. E. Quod bonum est, est honestum, & erit Sorites five gradatio Logica.

\* Climax apertiores habet artem & magis affectam, ideoque rarius esse debet. *Fab. lib. 9. cap. 3.*

### Exempla alia.

*Ose. 2. v. 21. 22. Et erit in die illa, exaudiam, dixit Dominus, exaudiām cœlos, & illi exaudient terram, & terra exaudiet triticum, & vinum, & oleum, & hæc exaudient.*

*Rom. 5. v. 2. & seqq. Gloriamur sub spe gloriæ, nec id solum, verum etiam gloriamur in afflictionibus, scientes quod afflictio patientiam pariat, patientia vero probationem, probatio autem spem, spes vero non confundit.*

*Rom. 10. v. 14. Quomodo invocabunt, in quem non crediderunt? Quomodo autem credent ei, de quo non audiverunt? Quomodo autem audient sine prædicante? Quomodo autem prædicabunt, si non sunt missi?*

*Ib. v. 17. Fides ex auditu est: auditus vero per verbum Dei.*

*Joh. 1. v. 1. 4. 5. In principio erat verbum, & verbum erat apud Deum, & Deus erat verbum: in ipso vita erat, & vita erat lux hominum, & lux in tenebris lucet, & tenebra illam non apprehenderunt. Hic Climax duplex.*

*I. Petr. 1. v. 5. Præstate in fide virtutem, in virtute scientiam, in scientia abstinentiam, in abstinentia patientiam, in patientia pietatem, in pietate amorem fraternalum, in amore fraterno charitatem.*

*I. Cor. 11. v. 3. Caput mulieris vir, viri Christus, Christi autem Deus.*

*Lact. lib. 7. cap. 6. Idcirco mundus est, ut nascamur: ideo nascimur, ut cognoscamus factorem mundi & nostri Deum: ideo agnoscimus, ut colamus: ideo colimus, ut immortalitatem pro mercede laborum capiamus &c.*

*August. lib. 1. Medit. cap. 1. Domine Deus meus, da cordi meo te desiderare, desiderando querere, querendo invenire, inveniendo amare.*

Cic. pro Rosc. Amer. In urbe luxuriae creatur: ex luxuria existat avaritia necesse est: ex avaritia erumpit audacia: ex audacia omnia scelerata oriuntur.

Idem pro Mil. Neque vero se populo solum, sed etiam Senatu tradidit, neque Senatu modo, sed etiam publicis praesidiis & armis: neque his tantum, verum ejus potestatis, cui Senatus totam Rempubl. omnem Italiam pubem, cuncta populi Romani arma commiserat

Lib. 4. ad Heren. Nam quae reliqua spes libertatis manet, si illis & quod libet, licet: & quod licet, possunt: & quod possunt, audent: & quod audent, faciunt: & quod faciunt, vobis molestem non est?

Ibid. Africano industria virtutem, virtus gloriam, gloria amulos comparavit.

Pro Arch. In ceteris Asiae partibus cunctisque Graciae sic ejus adventus celebratur, ut famam ingenii expectatio hominis, expectationem ipsius adventus, admiratioque superaret.

*Exemplum Climacis est apud Ausonium.*

#### Eydill. 12.

Res hominum fragiles alit & regit & perimit Sors  
Sors dubia aeternumque labans, quam blanda foveat spes.  
Spes nullo finita aeo, cui terminus est mors.

Mors avida, inferna mergit caligine quam nox.

Nox obitura vicem remeaverit aurea cum lux.

Lux dono concessa Deum: cui prævius est Sol.

Sol cui nec furto Veneris latet omnipotens Mars.

Mars nullo de patre satus: quem Thressa colit gens.

Gens infrena virum, quibus in scelus omne ruit fas.

### CAPUT XVIII.

#### I. ANAPHORA

est, cum sonus idem iteratur in Principiis sententiarum. Latine dicitur Relatio.

(Αναφορά ab ἀναφέρω, id est, referto, quod sonum eundem referat seu repetat, nomen habet. Vocatur etiam επαναφορά Repetitio.)

2. Ejus-

LIB  
2. Ejusmodi  
nus tantum in  
publicam, co  
deludi cosmet  
tiemini? CIC.  
(Hic repetitur  
S. in Agr. L. S  
sam, metu pertur  
dionibus tradidi  
prior in syllaba  
rubetam: poster  
macionibus, sed in  
Vel 2. Vol  
v. 3. Melius e  
der in bonum  
quam in princ  
It. vers. 15.  
rem. Dextra  
fortia.  
(Hic eadem  
Dextra, dextra  
v. 3. Anaph  
X4. Πλήρ  
Etonis in p  
Sommus & v  
poratque an  
(Polysyndet  
five conjunctio

Anapho  
est illustris  
(Hinc vul  
At angustie